

GRADE 6 OROMIA Afan Oromo(as first language) MINISTRY QUESTIONS.



1, Hiikni fakkaattii jecha **Mi'a** jedhu maal ta'a?

A, Fedhii
B, Hawwii

C, Meeshaa
D, Qabeenya

2, Hiikni fakkaattii jecha **Tolche** jedhu maal ta'a?

A, Faallesse
B, Diige

C, Hojjate
D, Balleesse

3, Hiikni faallaa jecha gowwaa jedhuu kam ta'a?

A, Garaa
B, Gamna

C, Doofaa
D, Moofaa

4, Qotiyyoof qotiisa yoo jenne, harreedhaaf _____ jenna. Bakka duwwaa hima asii olii guutuu kan taasisu kami?

A, qalma
B, hormaata

C, garmaamsa
D, fe'iinsa

JECHOOTA HIMOOTA ASII GADII KEESSATTI JALA

SARARAMANIIF **HIKA GALUMSAA** FILADHU.

5, Paarkiiwwan keessatti biqiltoonni adda addaa **hedduutu** argamu.

A, muraasatu
B, baay'eetu

C, xiqqootu
D, gabaabaatu

6, Sooromeen loon tiksuu jaalatti.

A, eeguu
B, jibbuu

C, jaalachuu
D, barbaaduu

7, Sorsaan uffata aadaatiin faayamee mana cidhaa dhaqe.

A, laalamee
B, miidhagee

C, sodaachisee
D, haguugamee

8, Gatiin meeshaalee ibidda ta'e.

A, mi'aaye
B, gubate

C, boba'e
D, aare

BAKKA DUWWAA HIMOOTAA ASII GADII GUUTUUF JECHOOTA
QUBEE SIRRIIN BARREEFFAMAN FILADHU.

9, Fardi sun miilarraa _____ waan qabuuf hokkola.

A, mada
B, madaa

C, madda
D, maddaa

10, Mucaan waan dheeboteef, bishaan _____ dhuge.

A, qora
B, qoraa

C, qorraa
D, qoorraa

11, Tolashiin looniif _____ haamtee kennite.

- A, marga
- B, maarga

- C, mariga
- D, maariga

12, Namni guddina hawwu _____ gaarii qabaachuu qaba.

- A, mul'ata
- B, muull'ata

- C, muul'aata
- D, mul'aataa

GAAFFILEE ASII GADI JIRAN AKKAATAA GAAFATAMTEEN DEEBISI

13, Jechoota asii gadii keessaa **dogoggora qubeessuu** kan qabu kami?

- A, Guddina
- B, Gamadan

- C, Galma
- D, Ga'an

14, Kanneen asii gadii keessaa yommuu barreeffamu qubee guddaadhaan jalqabamuun dirqama kan **hintaane** kami?

- A, Saree
- B, Kibxata

- C, Amajjii
- D, Kuulanii

15, Mallattoon xumura yaada rifaatuu(naasuu) ibsurratti galuu qabu kami?

- A, Tuqaa lama (:)
- B, Tuqaa tokko (.)

- C, Raajeffannoo (!)
- D, Gaaffii (?)

16, Himni qoodduu bakka sirriitti fayyadame kami?

- A, Sulxaan dabtara qalamaafi qubeessaa bitate.
- B, Sulxaan, dabtara, qalamaafi qubeessaa bitate.
- C, Sulxaan dabtara, qalamaafi, qubeessaa bitate.
- D, Sulxaan dabtara, qalamaafi qubeessaa bitate.

17, Himoota asii gadii keessaa kan qubguddeessa sirriidhaan barreeffame kami?

- A, Ganamoon magaala Bishooftuu Jiraata.
- B, Ganamoon Magaala bishooftuu jiraata.
- C, Ganamoon Magaala Bishooftuu jiraata.
- D, Ganamoon magaala bishooftuu jiraata.

18, Jechoonni asii gaditti walmakanii jiran yoo sirreeffamanii barreeffaman kam ta'a?

(barnoota/ cimeetu/ Baay'isaan/ hordofa/ isaa)

- A, Baay'isaan hordofa barnoota isaa cimeetu.
- B, Baay'isaan cimeetu hordofa barnoota isaa.
- C, Baay'isaan hordofa cimeetu barnoota isaa.
- D, Baay'isaan barnoota isaa cimeetu hordofa.

19, Mana gamaa sana bunnii _____ shaayiini jira. Walqabsiiftuun bakka duwwaa galuu qabu kami?

- | | |
|---------|----------|
| A, fi | C, ta'us |
| B, osoo | D, garuu |

20, Gaaleen “Waldaa Misooma Oromiyaa,” jedhu gabaajessuun yoo barreeffamu, kanneen asii gadii keessaa kamtu sirriidha?

A, W.O.M

C, M.W.O

B, M.O.W

D, W.M.O

21, Walaloo asii gadii dubbisi. Sarara jalqabaa gaaleetti qooduuf bakki galumsa muraa sirriin isa kamiidha?

Gudar Gudar maa jetta Gudar farda leenjisa

Funxur Funxur maa jettaa kolfuu na kajeelchisaa

A, Gudar Gudar/ maa jetta Gudar farda leenjisa,

B, Gudar Gudar maa/ jetta Gudar farda leenjisa,

C, Gudar Gudar maa jetta/ Gudar farda leenjisa,

D, Gudar Gudar maa jetta Gudar/ farda leenjisa,

22, Himoonni asii gadii 1-5 jiran, tartiiba yaada sirriidhaan hinteenye. Tartiibni yaadaa yoo sirreeffame, himni jalqabarra taa’uu qabu lakkoofsa kamirratti kan argamudha?

1. Kan jalqaba hojjatu, siree irra bule afuudha.
2. Akkuma ciree nyaatee xumureen gara mana barumsaa qajeela.
3. Guddataan hojii adda addaa raawwatee mana barumsaa deema.
4. Siree afee akkuma raawwateen harkaafi fuula dhiqata.
5. Itti aansee ciree isaa nyaata.

A, 3
B, 1

C, 5
D, 2

23, Kanneen asii gadii keessaa maqaa dhuunfaa kan ta'e kami?

A, Farda
B, Albuuda

C, Bishaan
D, Siddisee

24, kanneen asii gadii keessaa maqaa waliinii kan ta'e kami?

A, Awaash
B, Laga

C, Sudaan
D, Afrikaa

25, Jecha "gammoojjii" jedhu, birsagatti yommuu qoodamu sirriin kami?

A, gamm/oo/jjii
B, gam/moo/jjii

C, gam/moojj/ii
D, gam/moj/jii

26, Caaltuun mucaa bareedaa qabdi. Maqibsi hima kanaa kami?

A, Caaltuu
B, Mucaa

C, Bareedaa
D, Qabdi

27, Mucaa qal'aan sun suuta deema. Gochibsi hima kana keessa jiru kami?

A, sun
B, qal'aa

C, suuta
D, deema

28, Kanneen asii gadii keessaa maqaa **dimshaashaa** kan ta'e kami?

A, Sangaa
B, Midhaan

C, Qamalee
D, Siree

29, Himoota asii gadii keessaa kan gocha yeroo ammaa raawwatamaa jiru kan agarsiisu kami?

A, Jiruun boru ganama ni dhufa ta'a
B, Soofiyaan kitaaba dubbisuu nijaalatti
C, Badhaasaan loon gara lagaatti bobbaase
D, Magartuun gara mana barumsaa deemaa jirti

30, Ayyaantuun kitaaba haarawa bitte. Hima kana keessatti **matimni** kami?

A, Ayyaantuu
B, haarawa

C, kitaaba
D, bitte

31, Hiibboon yoo taphatamu, gaafatamaan "hibib" kan jedhu gaafataan maal yoo jedhedha?

A, Hibboo
B, Hibbakka

C, Hiph
D, hinbeeku

32, Baala fakkaata; waaqarra kaata. Deebiin hibboo kanaa maali?

A, Huuba
B, Ibidda

C, Bubbee
D, Xiyyaara

33, “Abbaatu of _____” jedhe bofti. Bakka duwwaa galuun mammaaksa kana guutuu kan taasisu

A, dhala

C, fala

B, xaxa

D, mara

34, Malaafi fala dubartii gaafadhu. Ergaan mammaaksa kanaa kami?

A, Dubartii qoruuf malaafi fala adda addaa fayyadami.

B, Dubartiin rakkoof furmaata kennuurratti cimtuudha.

C, Dubartiin rakkoof furmaata kennuurratti laaftuudha.

D, Dubartii too’achuun kan danda’amu mala adda addaatiini.

DUBBISA

Akaakuu allaattii keessaa tokko guchiidha. Guchiiwwan dheerinaafi furdinaan beekkamoodha. Dheerinni isaanii meetira lamaafi walakkaa yoo ta'u, ulfaatinni isaanii immoo giddu-galeessaan toora kiilogiraama dhibba tokkoofi shantamii torba ta'a. Waan kana ta'eef, akka allaattiwwan kaawwanii balali'uu hindanda'an

Qormaata guchii irratti gaggeeffame irraa akka hubatametti, "Kun kormaadha; kun immoo, dhaltuudha," jechuun kan danda'amu bifa koola isaaniitiini. Kormaan koola isaa irratti bifa gurraachaafi adii kan gabu yoo ta'u, dhaltuun immoo koalli ishii daatacha. Saala isaanii bifa baalleetiin akkanatti gargar baasuun kan danda'amu guchiiwwan umriin issanii waggaa tokkoo gadi ta'eedha.

Guchiiwwan jireenyaaf bakka diriiraa ta'e filatu. Bakki walqixxaataan kan caalaatti filatamu cirrachaafi marga kan qabu yoo ta'eedha. Kanneen keessaa tokko yoo hir'ate, jireenyaaf itti hintolu. Fakkeenyaaf, nyaanni isaanii marga waan ta'eef margi hin jiru taanaan bakka sana jiraachuu hindanda'an.

GAAFFILEE ASII GADII DUBBISA IRRATTI HUNDAA'UUN DEEBISI.

35, Guchiiwwan maaliin beekamoodha?

A, Gabaabina

B, Dheerina

C, Qal'ina

D, Miidhagina

36, Ulfaatinni guchii giddugaleessaan kiiloogiraama meeqa ta'a?

A, Dhibba tokkofi shantamaa oli

B, Dhibba tokkoofi shantamaa gadi

C, Dhibba tokkoofi shantamii torba

D, Dhibba tokkoofi torbaatamii shan

37, Kormaafi dhaltuu guchii adda baasuun kan danda'amu kan danda'amu maalidhaani?

A, Bifa koolatiini.

B, Furdina qaamatiini.

C, Dheerina mormaatiini.

D, Guddina ijaatiini.

38, Jireenya guchiitiif bakki caalaatti filatamaa ta'e kan cirrachaafi _____ qabuudha.

A, muka

B, holqa

C, dawoo

D, marga

39, Sababni guchiin balali'uu hindandeenyeef maali?

A, Koola waan qabduufi.

B, Furdina waan qabduufi.

C, Ulfaatina waan qabduufi.

D, Dheerina waan qabduufi.

40, Mata-duree dubbisa kanaa kan ta'uu danda'u kami?

A, Koola
B, Guchii

C, Allaattii
D, Qormaata



Answers

1. C
2. C
3. B
4. D
5. B
6. A
7. B
8. A
9. B
10. C
11. A
12. A
13. B
14. A
15. C
16. B
17. C
18. D
19. A
20. D
21. C
22. A
23. D
24. B



- 25. D
- 26. C
- 27. C
- 28. B
- 29. D
- 30. A
- 31. A
- 32. D
- 33. D
- 34. B
- 35. B
- 36. C
- 37. A
- 38. D
- 39. C
- 40. B

